



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt & reges Francorum, Carolvm Martellvm, ...

Gretser, Jacob

[München], 1613

De Episcopis vel Presbyteris, vt non militarem induerent armaturam, sed spiritalem, id est, ieiunijs & orationibus vacarent, seu de venalitate vel captiuatione hominum, vel alijs illicitis causis, ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

De Episcopis vel Presbyteris, ut non militarem induerent armaturam, sed spiritalem, id est, ieiuniis & orationibus vacarent, seu de venalitate vel captiuatione hominum, vel aliis illicitis causis, quæ à prauis hominibus perpetrata erant, seu de visione Iohannis monachi, quæ falsa vel inanis esse videbatur.

LXXVII.

DOMNO excellentissimo filio nostroque spiritali compatri Carolo Regi Francorum, & Langobardorum, atque Patricio Romanorum, Adrianus Papa. Orthodoxæ fidei plenissimos atq; ne-ctareos vestræ à Deo promotæ regalis excellentiæ suscepimus affatus, quos referantes vestram à Deo promotam salutem, ac in triumphis victorias, seu præcellentissimæ filiæ nostræ Domnæ Reginæ, vestrorumq; præcellentissimum filiorum, atq; nostrorum vestrorumq; fidelium sospitatem, simulq; sinceritatem reperientes, magnas omnipotentis Dei clementiæ retulimus grates.

*Baron Jbid.
Summ. 11.*

Illud autem quod nobis vestra innotuit regalis potentia, per suum fidelissimum Missum, scilicet Garamannum, gloriosum ducem, pro Iohanne Monacho atq; Presbytero, qui sicuti in vestris referebatur regalibus apicibus, de captiuatione hominum, & de aliis illicitis causis, quæ à prauis perpetrantur hominibus, vobis enuntiaffet, ut, Deo propitio, per vestrum præcellsum regalem dispositum corrigerentur vel emendarentur, quemadmodum à nobis poposcit regalis potentia, libenti eum suscepimus animo, solite in omnibus vestris accommodantes votis. Talem prorsus scimus vestram regalem excellentiam,

1 2

quia

quia in his nullius eget monitione, quia, Domino copitulante, beatoq; Apostolorum principe Petro, proprio semper suffragante, veram prædicationem orthodoxæ fidei, quam ab eius suscepit Ecclesia, illæsam atq; immobilem tenens, vltroq; irreprehensibilem sine macula vibrans exultat, atque in omnibus penitus fulget, & non desinit emendare sauos atque iniquos, calidosq; homines ab illicitis actibus.

Sed & captiuos in sua propria reuerti crebris fecit diebus; fatus quippe est nobis præfatus Iohannes Monachus, quia dixisset vobis, vt omnis Episcopus spiritalia teneret arma, & non terrena, quatenus si ita est, quia militaria induunt arma; hortantes vestræ notescimus à Deo protectæ regali excellentiæ, vt nullo modo sic fieri permittat, sed quoscunque in quolibet deferri cupit loco, tam Episcopi quam presbyteri orthodoxæ fidei galeam & salutis induiti arma, orationibus vacare gnauiter studeant, vt cuncto populo, ea, quæ pro salute animæ sunt, spiritale gerant officium. Cæteri vero Episcopi atq; presbyteri in eorum degentes Ecclesiis, canonicè vnusquisque per vestrum regale robustissimum præsidium suum valeant regere populum à Deo sibi commissum.

Porro de reuelatione eiusdem Iohannis Monachi, sicut eius referebat locutio, vere fantasma esse existimatur; Dicebant enim, quod vidit primis in somnis cœlos apertos, & dexteram Dei, deinde vidit postmodum somnium aliud, turrem magnam, & descendentes Angelos, inter quos vidit speciem hominis alas habentis aquilæ, mortuique existentis; & aliam speciem hominis alas habentem columbinas, & dicentem; quia hic est filius Dei, absit enim à fidelium cordibus, vt fides

des Christianorum mortua esse prædicetur. Nos enim speciem aquilæ alas habentem, sicut à sanctis suscepimus patribus, Iohannem Euangelistam testamur, qui secreta cœlestia hominibus prædicat; *In principio erat Ioan. r. Verbum, &c.* in specie verò columbæ Spiritus sanctus visus est. Nam numquam legimus speciem hominis alas columbæ indutam. Quapropter nimis vestram laudantes firmissimam atque laudabilem fidem, in hoc cognouimus, quia vos fantasma ipsas reputastis visiones, in eo à nobis pro eo vestra poposcit regalis potentia, vt nequaquam à nobis condemnaretur, anathematizaretur vel flagellaretur, neq; aliquam aduersitatem ei faceremus; quatenus in his omnibus vestræ accommodantes regali petitioni in quantum necesse fuit, ipsum ammonuimus monachum, atq; in propriū suum locum illæsum absoluimus; Nam si vestrum illi non profuisset regale adminiculum, Ecclesiasticam illi disciplinam canonicè inferentes, sicuti monacho Cyrillo, à nobis correcto & emendato, monachicam regulam illi demonstrare irreprehensibiliter habuissimus: Ob nimium verò amorem vestrum cum magna patientia, atq; benignitate susceptus cōmonitusque, vltro citroq; diuinis præceptis in pace absolutus est. Vestram regalem excellentiam vna cum filia nostra præcellentissima Domna Regina, vestraque præcellsa prole multorum annorum curriculis regni gubernacula, perfrui diuina faciat clementia, vt in hoc mundo super omnes barbaras regnantes nationes, in æthereis arcibus sine fine cum sanctis omnibus regnare mereamini. Incolumem excellentiam vestram gratia superna custodiat.